

海陽縣志卷三十

金石略一

唐

開元寺石幢

上闕 野婆誡口帝怛你也 闕 拏誡口誡賀曩娑嚩婆 闕 鼻灑罽摩

賀曼口囉跋 闕 賀囉口庾散馱囉拏戍馱野戍馱口婆口口麼尾

尾 闕 瑟拏灑尾惹野尾梳第口賀婆囉喝囉濕茗口祖 闕 娑吒波

羅密哆跋哩口囉口薩囉 闕 野 闕 瑟恥多摩賀母捺嚩嚩日囉迦

野僧賀跋曩尾梳第薩囉嚩嚩囉拏口野口口揭底跋口梳第鉢

囉底顛鞞囉哆野口口梳第三摩野頰地瑟恥帝摩顛摩顛口賀

海陽縣志卷三十 金石略一

麼顛母顛母顛尾咄顛怛闍多部多口致跋哩梳第尾口普口叟

口口口口口 闕 尾惹野娑麼囉娑麼囉薩囉嚩沒馱地瑟恥 闕 婆

口口麼麼 闕 受持 口口嚩薩怛口釳口口口口嚩 闕 野 闕 嚩誡口跋

哩梳第薩囉怛口夔口口銘口摩 闕 薩囉

口口口口口口口 能發圓明廣大心 我今具足是凡天 讚

歎思持薩婆若 口口口口口口口 口口口口德施羣口 十方

刹土諸如來 他方此界諸菩薩 口口口口並眷屬 散口大

將藥叉王 冥司地主欲摩羅 善惡薄官二口口 口口口口

諸眾等 願聞啟請皆降臨 擁護佛法使長存 口口勤行世

尊口 口口口口來至此 或居地上或居空 一聞佛頂尊勝

言 蠢動含靈皆作口

靈驗佛頂尊勝陀羅尼 三藏法師 不空奉 詔譯

右尊勝經幢在郡城開元寺佛殿外正書幢高約一丈八面刻其六文半剝蝕今就可讀者錄之謹案唐石幢最多刻此經今所存尚數十種惟關中金石記所載那羅延經幢及此題不空所譯攷不空見於唐碑者二一為三藏無畏不空法師塔記一為嚴郢撰不空和尚碑金石家多混無畏不空為一人遂疑不空有二證之李華撰東都聖善寺無畏三藏碑見文苑英華及王圻續文獻通攷仙釋攷則無畏乃別一人不空亦一人也碑無年月惟寺建於唐願末詳經幢之刻當同出

海陽縣志 卷三十 金石略一

二

一時且據隴州開元寺經幢末繫開元十六年而經文同此益足證為唐物粵中經幢廣州光孝寺有唐寶曆石幢羅浮寶積寺有南漢石幢並在此後則此為最古可貴也

常袞金山題字

初陽頂

介石之東南為初陽頂三字苔入石中傍小字滅沒不可認識

然依稀可見為唐常袞書薛雍金山讀書記

右題字在金山巔正書首一字為後人加刻盤陀石三字劓去餘存謹案王漢金城山記亦有此三字今並錄之以備攷

記

唐貞元十三年立

輿地紀勝

謹案通鑑貞元十二年貶御史中丞李宿爲潮州刺史又周志載湖山之巔有觀稼亭唐中丞李宿建亭址今尚存記則佚矣

韓退之書白鸚鵡賦

翁方綱釋文

若夫名依西域族今南海同朱喙之清音變綠衣於素采唯茲鳥之可貴諒其媿之斯在爾其入玩于人見珍奇質狎蘭房之妖女去桂林之雲日易喬枝以羅袖代危巢以瓊室慕侶方遠依人永畢託言語而雖通顧形影而非匹經過珠網出入金鋪單鳴無應隻影長孤偶白鷗於池側對皓鶴于庭隅愁混色而難辨願知名

海陽縣志

卷三十 金石略一

三

而自呼明心有識懷思無極芳樹絕想雕梁撫翼時嗛花而不言每投人以方息慧性孤稟雅容非飾含火德之明輝被金方之正色至如海燕呈瑞有玉筐之可依山雞學舞向寶鏡而知歸皆羽毛之偉麗奉日月之光輝豈憐茲鳥地遠形微色凌紈質彩奪繒衣深籠久閉喬木長違儻見借其羽翼與遷鶯而共飛 退之

余來潮每訪求韓公遺蹟不可得豈公治潮僅八月恩恩未暇及此耶俯仰山川未嘗不隨在見公也歲仲春有事羊城於故家得觀公手書鸚鵡賦迺健茂密浩氣溢于毫端米顛蓋祖之而未盡其妙誠希世至寶也購歸摹諸石泐于祠之東壁使觀者知公之所爲絕人者不徒道德文章而余之刻此亦非第爲

潮郡增故實也雍正甲寅秋八月澮州龍爲霖記

乾隆三十六年秋七月五日廣東督學使者日講起居注官翰林侍讀學士北平翁方綱敬書釋文附勒於石

王維白鸚鵡賦石刻在潮州韓文公廟以唐文粹文苑英華校之多不同如族今南海文粹英華並作族本南海惟茲鳥之可貴英華作茲禽易喬枝以羅袖代危巢以瓊室兩以字英華俱作於顧形影而非匹文粹作之非匹願知名而自呼英華作每知名而自呼懷思無極英華作何極有玉筐之可依英華作玉笥文粹作玉篚向寶鏡而知歸英華作瑤鏡皆羽毛之偉麗英華作毛羽與遷鶯而共飛英華作於飛皆以碑刻爲正阮志金石錄

海陽縣志

卷三十

金石略一

四

右刻在韓山韓公廟內草書惟絕想雕三字爲搨工毀去謹案此文上石在雍正十二年今編于唐代者從阮通志例也

五代南漢

拓路題記

以大寶三年庚申歲月在仲冬願拓此路特留題記

右拓路記其文云云凡三行二十字行書書頗縱逸在潮州府西湖旁大石上金石家未有著錄者益都李南澗知潮陽日赴郡遊斯湖始見而拓之潛學堂金石文跋尾

謹案大寶紀元有二一梁簡文帝一南漢劉鋹梁大寶僅二年爲庚午辛未南漢大寶十四年其三年卽庚申與碑合必

南漢時物矣石刻本行書孫星衍寰宇訪碑錄以爲正書誤
又以潛擘堂金石文跋尾云李南澗知潮陽時赴潮拓得遂
誤爲在潮陽蓋采傳聞著錄未見拓本也吳蘭修南漢金石
記亦載其文惟誤願字作開字特字作爲字

宋

太平興國殘刻

□□太平興國五年

□□□□□□之任

□□□□□□孝節此字不識篆體不敢強釋

□□□□□□道聊

海陽縣志 卷三十 金石略一

五

□□□□□□衢八

□□□□□□□□

□□□□□□因銘

□石用紀□□

右刻八行行八字篆書今所存者僅十九字在郡城外東北
隅附郭石壁上卽金山之背中閒爲後人剽去刻詩二句甚
爲可惜然按所存之任道衢銘紀等字必爲當時官府修造
記事勒石無疑但未審何人耳此刻雖殘係宋初泐迹存其
厓略而不沒之庶後之考古者得有所取證爾

王漢金城山記

金城山境之最奇者也距州治越二百步東臨惡溪西瞰大湖閭閻占其南垣墉固其北從昔榛莽翳奧爲蛇虺之囿麋鹿之居徑路未闢人不得游山之形勢萬態詢州之耆老咸曰目所未覩王子仲冬余始至郡閱其近逼庫廩畏盜之伏其閒始令翦闢非意其爲勝也初得一徑從石門東上幾半得地如砥方廣三十步左右巨樹惟荔枝爲多始立亭曰荔枝亭更五十步至頂見一石峩然出叢薄閒因以峯名之曰獨秀北行十步出大石中地形孤聳顧望曠絕西南與鳳山對遂立亭曰鳳凰由鳳亭東行七十步得一址前數石尤佳宜曰之初立亭曰初陽其石之最高者號曰初陽頂由鳳亭西廣一百步地如堂南有石子如望名之曰望賢由

海陽縣志

卷三十

金石略一

六

望賢石西連大岡踰十步有石復巨覩者必先傍無所倚號曰鑑石岡其下有石宜曰之景立亭曰西暉亭南巖壁峭嶮亦以西暉名之巖東南五步叢石怪詭隱篁篠閒披翦未竟勢若騰踴題曰隱石石側有洞曰仙游有臺曰鳳臺謂仙所宜游鳳所宜集也凡命名皆刻於石俾來者得以觀焉噫潮爲郡隋唐而還賢守相繼茲山之不興得非有待乎韓文公嘗卽東山爲亭以便游覽人呼曰侍郎亭渡惡溪陟峻嶺上無嘉葩美木亭已久壞惟一樹獨存夏炙赫曦傍無以庇矧茲山居城隅邇郡署木石閒錯坡徑紆直陟降忘疲游者知其境勝比韓之東山相遠也余旣爲詩以紀有未盡復書此記之

金山有始開金城山記刊於石輿地紀勝

右刻今已佚文據張志補錄謹案王漢祥符閒知軍州事見周志職官表阮通志疑始開金城山卽鄭伸築城事非也

王漢金城山題字

荔枝亭

獨秀峯正書

鳳凰亭

初陽亭

初陽頂

望賢石

海陽縣志卷三十金石略一

鑑石岡

西暉亭

西暉巖

隱石正書

仙遊洞

鳳臺

右題字今惟隱石獨秀峯數字存餘皆佚茲據王漢記補錄

王漢金山獨秀峯詩

獨秀峯詩 太常博士知軍州事王漢 千古壓嶙峋標奇世絕

倫形從天賦授名自我椎輪眾嶽猶前席羣峯合望塵不知居海

郡知已是何人 仲冬二十日

右刻在金山巔正書謹案翁方綱粵東金石略惟載漢湖山詩刻現此未著錄舊志亦闕載疑皆未之見也惟薛雍金山讀書記稱獨秀峯石向相傳為雷所泐今石果倒植是雍亦嘗見之特不言有詩耳

王漢金山口口口詩

口口口詩 太口口口口口口口口口口 開軒面口崖隱景見殘

霞晚翠千重出晴紅數片斜山前光掩映水上影交加成綺誰興詠須知屬謝家

右刻在金山巔西北石上正書題三字全泐銜名首僅存太

海陽縣志 卷三十 金石略一

字與漢獨秀峯詩刻敘法同其為漢所作無疑味其詩意並攷漢自撰金城山記當是西暉亭詩也

仙遊洞銘

洞之閉兮蛇虺伏藏洞之啟兮神僊翱翔以下殘缺不可錄

右刻在金山南面石壁上今薛東泓先生祠後隸書款識漫滅殆不可辨未審果為王漢所銘然洞名自漢故附著于此

鳳臺題字

鳳臺壁立

右題字在仙遊洞左石壁上正書字大尺餘摩崖峻聳在下望之不可得見不知何代所刻因王漢金城山記有鳳臺與

仙遊洞相連特彙誌之

王漢湖山立石詩

立石詩 太常博士知軍州事王漢 如碑卓水濱磊落未名聞

蘇駁瓊姿出蝸行篆字分器渾猶抱璞勢迴已凌雲幸免隨金鍛

甯憂與玉焚螭形徒岌岌鳥跡欠云云若使昌黎見應鑄逐鱷文

大中祥符六年二月十五日

山在潮州城北一里許下有水名西湖其山礫石疊空巖洞畢

具有大中祥符六年二月十五日太常博士知軍州事王漢刻

一首字甚樸拙粵東金石略

宋詩紀事載漢詩在大觀宣和閒蓋據潮中雜記未見石刻也

海陽縣志 卷三十 金石略一

九

阮志金石略

右刻今在西湖山正書字尙完好石屹立高二丈許

景祐題字

鴈塔 景祐四年書

右題字在湖山巔東畔石上正書字大半尺旁有景祐年號

蓋題名之權輿也

鄭伸文公祠記

至和甲午歲建文公祠堂知州事鄭伸權監押史口簽判陳口知

縣歐陽景推官雷應昌落成之時十二月初吉記

金山有始開金城山及韓山祠記並刊於石輿地紀勝

右刻在金山南面獨秀峯前正書謹案宋史陳堯佐傳通判潮州作孔子廟韓吏部祠以風示潮人輿地紀勝載其建公祠爲文以招之曰招韓祠阮通志據此載金石略中然輿地疑故刪而不載鄭伸所建想沿其址惟王漢以大中祥符時金山榛莽未闢或疑未必卽有祠堂然據蘇文忠碑稱韓廟舊在刺史公堂後刺史堂今爲總鎮署金山正在其後王漢金城山記所謂其地逼近廩庫是也據此與輿地紀勝所載合知蘇碑所稱舊祠蓋卽指此特輿地紀勝稱韓山祠不稱文公差異耳然輿地紀勝別載金山亦稱韓山象之宋人論必有據金山之稱韓山必以韓祠得名則韓山祠卽文公祠亦不足疑也

鄭伸築城碑

皇祐壬辰歲夏五月蠻賊儂智高破邕管乘流而下攻五羊有詔嶺外完壁壘以禦寇潮州築城土工不堅未朞悉圯越明年癸巳九月予到官翼日庀役至二月以農作暫休去年甲午十月又興工今年正月畢其始末存諸城記茲姑記歲月云耳聖宗至和二年乙未歲二月初吉虞庠博士知郡事鄭伸磨厓識之 侍禁權監押史職殿直監押師永安 佐著簽署判官陳應 推官雷應

昌

潮州金山有宋至和二年知郡事鄭仲磨厓築城碑在山椒東
金石略

右刻在金山南麓隱石洞側正書謹案宋史仁宗紀皇祐四年壬辰五月儂智高反與碑文合惟五年癸巳正月狄青敗智高於邕州是伸到官時廣南已平碑文特追敘緣起耳碑中稱其始末載諸修城記當日必有石刻今不可見矣師永安陳應阮表缺載

黃靖題字

卓玉峯

大宋嘉祐丁酉正月口卯日潮州西湖山布衣方元口立福唐黃靖筆

右題字在西湖山後正書卓玉峯三字大徑三尺許似顏書

海陽縣志卷三十金石略一

十一

逍遙樓體兩旁款字甚小謹案福唐今福建福清縣地

梁立儀題名

宋熙甯四年夏五月二十日屯田郎中知軍州事何延世茂之殿中丞通判軍州事畢仲達學通太子中舍前知漳州龍溪縣古宗說夢臣權梅州軍事推官梁立儀定甫同游西湖立儀謹題

右題名在湖山側拓路記右正書謹案畢仲達梁立儀並見阮志職官表延世阮志作廷世古宗說未詳

米芾題字

第一山

第一山三大字乃宋米元章筆

薛雍金山讀書記

右題字在金山厓石上書在楷行閒筆勢迺逸謹案宋史米芾傳芾以母侍宣仁后藩邸舊恩補滄光尉熙甯八年浯溪刻石云米芾南宮五年求便養得長沙椽據此則熙甯八年以前元章蹤跡在廣南所謂南宮五年也八年以後元祐三年以前則在長沙江淮閒矣石刻無年月題識姑據此附梁立儀題名後許彥先闕碑前

許彥先闕碑

權發遣廣南東路計度闕事兼勸農事殿中丞許闕昔按視沿海城池至揭闕方外郎黃稹計工修築闕門圍敵樓屋門東西壕闕亭繪圖以聞熙甯十年

海陽縣志

卷三十

金石略一

三

右刻在今金山書院大門前正書謹案文獻通考轉運使之名初曰句當某路計度轉運事官高者則曰某路計度轉運使又事文類聚宋熙甯二年詔轉運使用本資序人卽充資序下一等爲權下二等爲權發遣知計度下闕字當作轉運無疑阮志職官表載熙甯中許姓任轉運官者惟許彥先一人據此定爲彥先石刻而英德碧落洞見阮志金石略有許彥先詩題曰熙甯十年丁巳八月權發遣廣南東路轉運副使公事殿中丞是彥先實任副使阮志統曰轉運使亦誤也彥先字覺之見廣州學署題名始興人天聖三年進士見南雄志黃稹里貫無考惟據宋史職官志稱職方郎中員外郎掌天下

圖籍以周知方域之廣袤及郡邑鎮砦道里之遠近遇閏歲造圖以進知繪圖爲職方外郎事疑方字上當作職字耳許彥先見遠亭詩

題金山見遠亭 廣南東路轉運副使許彥先 山上危亭薙草茅揭陽州望極南交千苞射日垂珠彈萬竹迴風舞玉梢滄海微茫浮蜃閣扶桑依約露烏巢七年三度登臨處共掃青苔寫石坳右刻在前闕碑右側書在行楷之閒謹案見遠亭舊志皆不載得此可補其闕

盧侗題字

湖平 盧侗書

海陽縣志 卷三十 金石略一

十三

右題字在湖山濱湖石上湖平二字隸書下三字正書

盧侗題名

太子中舍人致仕范陽盧侗元伯通判州事魯國夏旼粹翁從事南陽仇公著晦之夏五月壬寅避暑西湖艤舟蓮華峯之東徜徉容與極暮乃歸時改元元豐之歲

右題名在濱湖石湖平二字之下正書謹案侗邑人舊志有傳此稱范陽蓋自題其氏族猶保母磚文稱瑯琊王獻之例也夏旼阮志失載

元祐石塔記

安志周祐重建寶塔元祐丙寅歲

周祐陳默蔡宥同建石塔大宋元祐二年記

右刻二皆在湖山巔西巖上正書二刻相去不數武旁有建塔醮錢題名字多漫滅不可錄謹案丙寅卽元祐元年其二年乃丁卯也

韓文公廟碑

文見東坡文集

元祐七年三月己酉龍圖閣學士左朝奉郎知揚州軍事充淮南東路鈐轄蘇軾撰明成化二十年春三月重刻於石提舉廣東市舶前翰林侍讀學士古淪江朝宗撰記敘重建祠宇刻石之事云蘇碑經兵燹傾圮弗立二百年于茲矣然此石已泐其半迨惠潮道梁瑤峯國治又手書刻之字極端楷 有言蘇公

海陽縣志

卷三十

金石略一

十四

原碑在道廨旁韓祠者戊子春始訪得之拂拭積苔稍辨字畫乃亦非原石也字摹蘇而不工未具書至正丁未春江西省左右司郎中兼潮州路總管兼管內勸農防禦事靈武王那以下不可錄

粵東金石略

謹案蘇碑石刻凡三其二在今韓山書院成化重刻剝蝕殆盡江朝宗撰記亦不可見惟梁國治所書碑尙完好其一在今城南書院卽道廨旁韓祠者是也

馬王廟鐘款

宋紹興四年甲寅歲三月朔日辛亥潮州海陽縣資福禪院得潮陽檀越范氏妙悟捨錢百萬合眾施凡三百萬住持傳法沙門善

懋以銅爲鐘上祝 聖壽普利羣生正信居士王以甯爲之銘
銘曰 雙谿之滸石劍峯是爲資福青蓮宮道人善懋作鴻鐘其
權千鈞厯且崇鏗鉉震疊餘隱隆聲滿法界無邊中警悟人天及
魚龍幽陰渺莽開惛聾圓音動寂懼昆蟲聞所聞盡覺亦空大檀
范氏暨眾功無盡之福垂無窮

右鐘銅質高五尺六寸五分徑四尺一寸八分款識刻鐘之
半書在行楷之閒舊爲資福禪院物相傳鎮署爲衛署時鐘
移衛樓樓圯移鎮署左馬王廟內卽今地也謹案張志云康
熙庚戌冬馬王廟鐘鳴越明年大水東北隄俱潰雖曰子母
相感母亦物久而能靈歟

海陽縣志

卷三十

金石略一

五

壽安巖題字

壽安巖

紹興戊寅

右題字在西湖山東北隅濱湖石壁正書字大徑尺右旁款
字甚小僅存紹興戊寅四字其石下半崩裂有詩二句云有
客重來山柏翠何人不愛洞壺清亦正書無年月款識謹案
府志云此本一巨石康熙閱一夕風雨裂其半內一半如壁
有句云爾

放生池記

天地之大德曰生聖人贊天地範陰陽裁成滋育之化以蕃庶類
之殖羽騰蹏遠鱗流食息蠢動根莖均被其德澤亦大矣紹興癸

亥夏詔郡縣設唐舊迹置放生池申嚴法禁以敦忠厚之風潮於
西山之麓堙湖餘壤僅存步畝蓮池以奉約束索魚於筌傾缶以
注邀禽於籠拊掌而揚沿襲寢久罔有革之者恭惟太上皇帝體
堯舜以推至仁稽商周以恢洪業量包溟渤恩沛雨露霽志宏廓
豈以尋常之邱壑縱嶮啍啾之惠爲哉今上皇帝虔奉嚴訓篤
承丕緒好生之德洽於邇遐羣黎萬物咸薰陶於泰和之域乾道
乙酉秋守臣曾造來蒞茲邦政事條舉暮年而至乃詢元耆有臨
江立界之意命海陽邑令張某相所以易之爲城之東清江浩漫
遠源而眾會晝夜之流混混不停於是卽其要津累塞建閣以際
泓深礪石刻名於其側揭標上下共十里以禁採捕涉旬而號孚

海陽縣志

卷三十

金石略一

六

誠允稱於承宣之職矣噫濟以乘輿曷若杠梁之爲便灌以桔槔
曷若霖霖之爲渥鱣鱮之溝奚可以活鱸鮓鷓鴣之枝奚可以舒
鴻鵠詳斯池之規方于曩制曠邈優裕任其自適廣乎多眾巨細
之兼容無一物之不得其所是以前瞻則晨峯弄暉而征鴻和西
顧則暮雲歸岫而栖翮集南觀則靈湖嘘吸而鯨鱣潛北望則層
巒幽翳而麋鹿伏徙倚而環視之頌首莘尾漾鬢獻鬣油油洋洋
於波濤閒而鳧鷖鷓鴣之屬迴翔乎煙渚翅昂乎沙磧迄無網罟
矰弋之虞仰而思之躊躇而釋之永與聖壽長久等於生生不窮
之道焉書載咸若之訓詩詠於物之章其見於今日乎老臣居枕
江湄時樂斯樂故特書於石

右刻在□□碑石已佚今據張志錄之謹案曾造贛州人見阮通志海陽令張某無考金石錄唐肅宗詔天下臨池帶郭處置放生池凡八十一所所稱設唐舊迹當卽指此惟張志載此記爲眞德秀撰考宋史德秀本傳慶元五年進士而此記作於乾道元年由慶元上距乾道蓋三十四年矣其時德秀計當僅在童稚且德秀終身未嘗至潮記中老臣居枕江湄時樂斯樂等語殆不可解其不出德秀所撰明甚又許騫重關西湖記云西湖古放生池也歲月旣久湖則莽爲蔬蹊榛棘叢生蓋童然一山矣許記作於慶元五年亦不應此三十四年中十里之湖倏成榛莽且曾造之重關德秀之撰記以宋元金石著錄甚稀記文明言確石刻名又云特書於石姑補錄之俟後之君子詳考焉

傅之緒等題名

臨江傅之緒元餘穎昌宋敷審言長樂劉凱伯和隆興甲申仲夏十有六日同游

右題名在湖山後蒙齋上正書

趙耕老等題名

趙耕老葉昭文林口廣李常夫淳熙戊戌三月下澣重集餞春右題名在湖山後蒙齋遺址正書謹案戊戌爲淳熙五年

黃泰之西湖詩

蒙齋留題 淳熙庚子首春建安謝景闕黃泰之荆谿李壽翁同

游二公命記前因同泰之作闕自我來古瀛訪幽得蒙泉款陪

謝東山況有李謫仙舉杯笑談適捫蘿步武口何妨卜再游及此

春事前

蒙齋在海陽西志一統蒙齋在湖山坡信安令鄭沂讀書之堂有

水石之勝輿地紀勝

右刻在湖山後蒙齋舊址額四字篆書下序文及詩隸書因

半埋土中不能盡錄謹案鄭沂邑人大觀三年特奏見周志

選舉表黃泰之無攷

海陽縣志 卷三十 金石略一

王承父題名

淳熙辛丑五月廿六口口侯叔平奉帥口戎至郡四明王承父同

爲此游

後七日承父復攜家來游

右題名二在湖山後蒙泉上前刻正書後刻行書

濮邸題名

淳熙丙午中秋濮邸趙中德具伊蒲游蒙齋同光孝瑩老受首座

欽善福業萬口口書記登卓玉上深秀汲泉瀾茗步月而歸

右題名在湖山後正書謹案光孝寺在北關外舊志俱謂元

至元闕建觀此則宋時已有此刹趙中德見宋宗室表蒙齋

卓玉峯見上深秀不可攷

黃景圭題名

淳熙丁未清明郡守臨漳黃景圭領梅守三山王茂口通守永嘉
蔣子口教授三山張口口來游終日

右題名在湖山後蒙齋上隸書謹案阮通志職官表淳熙中
通判潮州蔣韶温州人與石刻中所稱蔣子口者姓里皆合
疑卽其人又有知潮州軍州事黃杞漳州人漳州在宋爲福
建路臨漳則河北西路相州也疑景圭卽杞字阮志特誤臨
漳作漳州耳王張二人無攷

周濂溪拙賦

海陽縣志

卷三十 金石略一

九

或謂余曰人謂子拙予曰巧竊所恥也且患世多巧也喜而賦之
巧者言拙者默巧者勞拙者逸巧者賊拙者德巧者凶拙者吉嗚
呼天下拙刑政撤上安下順風清弊絕

朱晦庵題字

拙窩

晦翁爲子晦書

拙窩在海陽縣內金山舊名遙碧宋廖德明更名朱子書額并
刻周子拙賦於巖石閣今猶存輿地紀勝

金山在潮州府城北面廖槎溪通判潮州刻周子拙賦於山厓
并以朱子所書拙窩名亭今皆不可見矣粵東金石略

謹案周濂溪爲廣東轉運判官按部至潮題詩大顛堂壁因

刻所作拙賦廖槎溪移刻金山石厓閣今皆佚惟據周志補錄其文拙窩題字先沒金山庵僧房土中故翁氏金石略云未見光緒丁丑建金山書院始出土今在庵後石壁上正書槎溪德明字據阮志慶元中任潮州通判

朱晦庵題字

溪山第一

晦翁

潮州金山一石勒溪山第一四大字逕尺許行書後題晦翁二字有跋云閩副憲周賢口總戎戚繼光提兵過潮登山覽勝迺勒晦翁墨迹於石時嘉靖乙丑仲冬望日也郡人鄭口書

粵東金石

略

海陽縣志

卷三十

金石略一

二十

右題字在今金山書院後厓石上鄭跋字益剝落僅存形似而已

林嶠金山詩

郡守三山林嶠題 慶元四年 月 日 沈埋風月幾經年
喚月呼風不用錢一榻移來煙樹杪萬家低落酒尊前
斜陽城角疑無地小艇沙邊別是天老子于中情不淺
亂山青裏聽鳴蟬 小亭穿入綠陰叢亭下沙平九十弓
落日鳥鳴圖嶂裏畫橋人在鏡奩中城寬檐角容春樹
塔迴燈輝下晚空顧我南來何所得一山明月一溪風

右刻在金山隱石洞上正書今金山麓盡為民居所謂沙平

九十弓者皆瓦屋鱗鱗亭橋故址無從問津矣謹案周志嶼慶元中知潮州軍州事有惠政祀名宦嶼阮志職官表作標當從石刻正誤

林嶼重闢西湖詩

鏡奩平處小橋西橋外輕鷗掠鏡飛鑿破青雲放山出撥開碧蘚引湖歸帶煙插柳陰雖瘦趁雨栽荷綠已肥欲借禽魚祝君壽君恩寬大此誠微
新隄喜繞幾紆縈挈榼攜壺出滿城萍破煙紋容棹過石開雲罅著人行亭浮橫照波中影僧拾殘霞樹杪聲不必鳳凰山上問此山東向面湖平
慶元五年六月日三山林嶼右刻在西湖濱釣臺上石壁隸書謹案湖中舊有鳳嘯湖平

海陽縣志

卷三十

金石略一

三

之讖玩結句詩意證以許騫記文後知宋時已有之矣

林嶼蒙齋詩

蒙齋小飲 郡守三山林嶼 踏破蒼苔爲訪山青山相對冷相看老藤蟠上千重碧小几移來六月寒流水送香鳴石罅峭厓削玉立雲端短筇欲步池頭月無奈杯闌興未闌

右刻在湖山後卓玉峯石旁正書

許騫重闢西湖記

重闢西湖記

篆額

西湖古放生池也有山嶄然據湖旁古號湖山則知湖之來非一日異崖層出輕波紋平水影嵐光爲南州傑觀歲月旣久湖旣莽

爲蔬蹊而榛棘叢生蓋童然一山矣慶元己未夏太守林公嶠政成聚風月山椒秀麗始發越因慨謂湖山並言豈有山獨無湖郡丞廖公德明力贊其決於是剗朽壤剪繁穢引清流瀦而廣之南北相距倍於昔立三亭濱於南曰放生介於中曰湖平跨於山之側曰倒景遶湖東西古無路誅茅穿蘚插柳植竹闕以雜花盤紆詰曲與湖周遭橫架危梁翼以紅闌鏡奩平開虹影宛舒數步之內祠宮梵宇雲蔓鱗差縈繞女牆粉碧相映中造小舟邀賓命酒荷香邈迤時度管絃中邦人樂公德公每游柳邊竹下草際苔中涌觴繁肴席而坐公酒未竟終不去山與水相接民與守相忘騫嘗游詠於中竊歎曰湖山之樂古風流騷雅士往往以此寫幽興

海陽縣志

卷三十

金石略一

三

寄笑詠至於君民之際或略焉若使身安江湖心忘魏闕主意上宣王澤下壅是湖也欲樂得乎嶢榭岑青里閉蕭條畫艍宮羽稚羞怫鬱是湖也欲樂得乎我公涖止奉天子教條徧行嶺海欲以及民者及物雖天子萬年不待祈猶欲鱗介羽毛皆涵聖恩以祈聖算與湖山相無窮則公於是湖樂在君也稻香月白春風滿城我公政暇停艗舉白民亦熙熙陶陶鳴儔綴賞藻野縟川如屏如堵如綺如霧人在鑑中舟行畫圖則公於是湖樂在民也矧夫山嘯湖平公卿之識百年遺蹟一旦還舊將見纓綬紳佩洋洋迭出一以祈君壽二以同民樂三以振地靈起文物一舉而眾美具騫是用踴躍而書鏡於濱之厓石是歲七月望日從直郎新簽南恩

州軍事判官廳公事許騫謹記門生迪功郎潮州錄事參軍林克忠下闕

右刻在湖山放生石左側摩崖正書謹案許騫申八世孫紹熙五年進士仕至南恩州僉判阮志金石略別載騫惠州重建西新橋記結銜題惠州軍司推官而職官表不載其名

林嶼西湖亭題字

放生篆書

湖平隸書

倒景

右題字在濱湖石上倒景二字已佚餘存今據騫記補錄之

海陽縣志卷三十金石略一

沈杞金山詩

嘉泰改元季春望日郡守毗陵沈因登金山四顧形勝槩成一

詩漫鏡於石萬家環表裏千雉起岩巖孤島浮中泚長溪轉畫

橋東南此地勝左右四山朝最好瀛州景樓臺拱麗譙

右刻在金山巔正書沈姓下不署名謹案阮志職官表有知潮州軍事沈杞常州人嘉泰閒任晉太康初分吳郡爲毗陵郡隋開皇九年廢郡置常州至宋仍曰常州亦曰晉陵據此定爲沈杞詩曰毗陵從古郡號也嘉泰改元爲宋甯宗七年

林會湖山題字

鴈塔

三山林會書

右題字在西湖濱路旁石壁鴈塔二字正書縱橫各四五尺款小字

蒙泉

三山林會書

右題字在湖山後今佚據粵東金石略補錄

平湖

三山林會書

右題字在濱湖石上平湖二字正書徑尺許款小字謹案周志職官表會福州人開禧閏知潮州軍事此三刻雖無年月當是開禧時刻矣又湖邊石磯下有刻字正書今已爲巨浸所沒秋冬水涸觀之有開禧年號考西湖記疑此是倒景亭地蓋湖當宋時僅得今之半故湖邊猶多勝蹟後因城北隄潰遂決成巨浸一望汪洋矣

海陽縣志

卷三十

金石略一

三

趙希逢題記

威惠廟日就圯壞邦人無有口其責者玉牒希逢畢力就事以嘉定壬申三月朔日興役逾年春告成敬書以誌歲月六弟希禴書右刻在湖山上活人洞左正書趙希逢見宋史宗室世系表而無希禴名威惠廟舊志亦不載

趙清卿西湖山詩

趁得文書一日閑
搯筇直上翠微閑
松風吹面輕輕度
泉溜通渠滴滴慳
亂石傍羅羣玉府
浮圖雙峙小金山
鳳池蚤晚須重到
莫把柴門取次關
嘉定丁丑重陽前三日郡丞趙清卿攜家來游

右刻在湖山背行書

趙清卿金山拙窩詩

拙窩詩二首 一生無奈拙謀何愛向金山住拙窩從今自謂可
藏拙不知添得拙還多 一 巧拙分明是兩歧巧中有拙少人知

如今用處從渠巧用到窮時巧必危 二 嘉定丁丑重陽日蒙庵

趙清卿

右刻在金山拙窩上八分書近建金山書院埋沒土中僅存

三四字可見耳謹案丁丑為嘉定十年清卿周志職官表漏

陳宗信等題名

春事方殷幕府多暇寶口陳宗信誠甫拉同官三山林倚敬輿拱

海陽縣志

卷三十 金石略一

三五

辰君錫陳夢庚景長雲老祥甫清源高行義正甫玉牒口夫仲堅

詰朝而往薄暮而歸寶慶丙戌仲月二日

右題名在湖山後石壁上隸書

淳祐題名記

海陽縣甲辰進士題名 紀善甫 柯起龍 徐源 趙希逢

越明年始口于山閔邑宰清源陳純仁主席斯集同年三山張口

以捧檄與焉

淳祐丁未進士題名 蔡渤第二甲 彭拱辰社舍第三甲 陳昭錫第口

甲王桂 周霆震 口口口 楊更 金亮 是年潮之奏名者

口口海陽人視他舉為盛秋詔主文劉木護篆口賁陳純仁重董

序

淳祐壬戌題名 林亨甫 陳昌言 趙希真 □歲孟秋餘闕

右題名記在湖山北壽安巖上正書謹案趙希逢周志選舉表作希逸甲辰為淳祐四年丁未為淳祐七年淳祐無壬戌周志選舉表作庚戌石刻疑誤

陳煒等題名

寶祐甲寅季夏中澣郡守莆陽陳煒光仲郡丞合沙黃耆成甫領僚屬清源王衡翁宏道呂大圭圭叔合沙姚震時東起臨漳余繼祖善夫合沙陳長孺元善莆陽方敬子景行永嘉趙必淄其道合沙趙崇珣貴璞延平陳綱宏父柯山趙孟璿君玉臨漳陳泰興時海陽縣志卷三十 金石略一 三

平之石壁

右題名在湖山放生石側正書謹案陳煒黃耆王衡翁並見阮志職官表惟載煒慶元中知湖州軍事衡翁寶慶中知海陽縣事慶元寶慶皆無甲寅據此知甲寅乃寶祐二年阮表誤也當從石刻訂正

陳煒黃耆湖平唱和詩

人心未必似湖平一水于人底樣清萬怪虎蹲昂石壁千年鱷去
屹金城朱旛影裏繡屏好綠蓋香中畫舫行況是蘭階映村館揭
來此日共登瀛 退庵老人莆田陳焯題 山光湖水接天平撲
鼻荷香氣味清賢守泛舟臨野渡蒨毗喧頌徧巖城插峯高閣同
登賞出岸涼輿逐隊行雁鶩抽身羞老吏賴公提挈上蓬瀛 松
齋三山黃耆 拙守以公餘同監郡攜家爲湖平避暑之集從而
唱和因紀于石 寶祐甲寅季夏

右刻在湖山放生石刻下正書

林光世飲公車記

寶祐戊午大比旣上賢能書郡守莆田林光世逢聖偕董試仙游

海陽縣志

卷二十

金石略一

三七

陳豹孫子文校文三山孫鼎來甲父番禺鄭得助子順清源林時
遇仲剛昭武廖熙介夫南海鄭福元君慶南昌劉光伯持謙會飲
于此時郡博士溫陵趙崇禮性之校文歸預焉期而不至者貳車
三山陳元鳳儀叔

右刻在湖山巔活人洞左正書

林光世濬湖銘

濬湖銘

鳳凰山朝

鱷魚潭空

祝網舊址

地不滿弓

小臣光世

職勤華封

易淺而深

卽卑而崇

爰作飛橋

仰像流虹

爰立巍亭

虎拜喬嵩

咨爾草木

施及昆蟲

游泚奎仁

碩大且豐 山川之氣 斯焉會通 美歸天子 讖應三公
天子若曰 民物性同 民物俱樂 樂斯無窮 小臣拜舞
領會宸聰 爰築修隄 盡護西塘 導合眾流 至于泮宮
外固我圉 遠折遐衝 迴環十里 激灑空濛 宜晴宜雨
宜月宜風 帝城景象 儼在目中 誰謂潮州 亦廣之東
叨恩召還 湖山愬愬 非余棄汝 君命是恭 騷人墨客
縉紳華宗 遨游千年 毋忘衰翁 開慶初元 宵中露濃
保魁愴尹 實肇濬功

右刻在湖山濱湖石上摩厓正書謹案阮志職官表光世姓
林莆田人寶祐閏知潮州軍事證以前寶祐戊午石刻不誤

海陽縣志

卷三十

金石略一

三

據此定爲林光世撰戊午爲寶祐六年踰年卽開慶矣閩書
云光世寶祐閏自將作出知潮州開慶元年召爲都官郎中
入爲司農少卿兼史館則叨恩召還正召爲都官郎中事也
張志亦錄此文中閏虎拜喬嵩作高嵩斯焉會通作斯爲皆
當從石刻惟毋忘眾翁作衰翁核其大義舊志差長至導合
眾流至于坤宮張志作泮宮據周志宋時州學在湖山麓尤
當倒從張志然州學以元祐四年徙州治之南隅由開慶逆
推距百七十餘年記中云云蓋就故址言也竊疑石刻本作
衰作泮年久漫漶耳

浚湖衛城局勒石

浚湖衛城局

今且買到湖頭田園添浚湖產錢數十頃

王宅田坐錢六百七十二貫足該共錢四十八文三分六釐五毫

倪宅田坐錢一百四十二貫足該共錢二十九文 黃宅田坐

錢一十二貫足該產錢二百文 林宅田坐錢一千一百貫足該

錢一百八十一文 陳宅田坐錢四百七十貫足該產錢六十五

文 施宅田坐錢五十二貫足該產錢一十文 夏宅田園一百

七十一貫足產錢三十文上七行橫列在上層 趙宅田坐錢五十貫足該

產錢八文 林宅田坐錢一百六十貫足產錢三十二文 趙宅

田錢一百四十貫足產錢三十二文 謝家田錢一百一十九貫

海陽縣志 卷三十 金石略一

足產錢三十五文 鄭家田錢四百六十二貫足產錢六十三文

楊家田園錢五十五貫足產錢五文 盧家園四十一貫足產

錢六文上七行橫列在下層 以上共坐錢三阡柒百單八貫文足總產錢

五百叁十四文五分六釐五毫已照簿 銷豁其上手契書毀抹

併案卷用汨盞口封寄軍資庫訖

右具在前

開慶元年八月浚湖修造張坦李 監督迪功郎潮州潮陽縣主

簿權司法兼僉廳林 監修迪功郎奏辟潮州節制司準備差遣

兼僉廳胡 監督文林郎判惠州軍事陞用兼本州僉廳趙 監

督文林郎新知韶州乳源縣主管勸農公事兼軍正趙 知郡節

制國史刑部林

右刻在湖山濱湖石上正書行字不等皆記買田浚湖之事
曰貫者當是交子會子鈔也曰足者非省也謹案周志職官
表寶祐開慶時林光世知郡事此未行題銜當即光世矣

信國留題

為子死孝為臣死忠死又何妨自光岳氣分士無全節君臣義缺
誰負剛腸罵賊張巡愛君許遠留取聲名萬古香後來者無二公
之操百鍊之鋼嗟哉人生翕歛云亡好烈烈轟轟做一場使當時
賣國甘心降鹵受人唾罵安得流芳古廟幽沈遺容儼雅枯木寒
鴉幾夕陽郵亭下有奸雄過此仔細思量 右調沁園春迺宋丞

海陽縣志

卷三十

金石略一

三

相文天祥留題張許下闕

詞在潮州文正韓山書院碑陰明萬曆閔章邦翰重立粵東金
石略全載此詞而百鍊之鋼下空無嗟哉二字續資治通鑑舉
要所錄同不知今石刻何以有此二字也阮志金
石略
右刻今在城南書院碑陰正書張許以下字闕謹案潮陽志
原題在潮陽雙忠廟中此蓋章邦翰錄出上石者也以詞出
信國故附於宋末

